



Broj: UP-I-KSI-09-7/23
Datum: 05.04.2023. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu utvrđivanja povrede odredaba zakona od strane B. B. iz Brčkog, ██████████, šef Odjeljenja za javnu bezbjednost, Vlada Brčko distrikta Bosne i Hercegovine, na 51. sjednici održanoj dana 05.04.2023. godine, donijela je sljedeće

RJEŠENJE

1. **UTVRĐUJE SE** da je B. B. iz Brčkog, ██████████, šef Odjeljenja za javnu bezbjednost, Vlada Brčko distrikta Bosne i Hercegovine, kao nosilac javne funkcije, postupio protivno članu 19. stav (1) i stav (2), i članu 20. Zakona o sprečavanju sukoba interesa u institucijama Brčko distrikta Bosne i Hercegovine, na način da dana 25.01.2022. godine u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, Komisiji za odlučivanje o sukobu interesa nije prijavio nepokretnu imovinu člana porodičnog domaćinstva- oca nosioca javne funkcije.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, B. B. se shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine izriče opomena.

Образложење

Komisija za odlučivanje o sukobu interesa je po službenoj dužnosti Zaključkom broj: UP-I-KSI-09-7/23 od 24.01.2023. godine, pokrenula postupak za odlučivanje o povredi odredaba Zakona o sprečavanju sukoba interesa u institucijama Brčko distrikta Bosne i Hercegovine, protiv nosioca javne funkcije B. B., šef Odjeljenja za javnu bezbjednost, Vlada Brčko distrikta Bosne i Hercegovine, jer je posumnjala u tačnost i potpunost podataka u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, zbog neusklađenosti između prijavljene imovine u Izvještaju o imovinskom stanju, podnesenom dana 25.01.2022. godine od strane nosioca javne funkcije Komisiji i podataka prikupljenih od nadležnih organa i institucija o nepokretnoj imovini člana porodičnog domaćinstva- oca nosioca javne funkcije, jer nosilac javne funkcije nije prijavio odnosno unio u Izvještaj o imovinskom

stanju nepokretnu imovinu člana porodičnog domaćinstva-oca nosioca javne funkcije tačnije nekretninu označenu kao parcela broj [REDACTED]“ u ukupnoj površini od 283 m², koja se sastoji od dvorišta u površini od 93 m² i stambene zgrade u površini od 190 m² upisane u zemljišnoknjižni uložak broj: [REDACTED], suvlasništvo V. B. sa dijelom od 3/16, čime je postupio protivno članu 19. stavovi (1) i (2), te članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja zaključka.

Nakon prijema Zaključka o pokretanju postupka, broj: UP-I-KSI-09-7/23 od 24.01.2023. godine, zaprimljen 01.02.2023. godine, B. B., šef Odjeljenja za javnu bezbjednost, Vlada Brčko distrikta Bosne i Hercegovine, kao nosilac javne funkcije je dana 15.02.2023. godine dostavio Komisiji za odlučivanje o sukobu interesa pisano Izjašnjenje u kojem, između ostalog, navodi da nije postojala namjera da se podaci sakriju od Komisije za odlučivanje o sukobu interesa kao i da se ista dovede u zabludu u pogledu tačnosti i potpunosti podataka, odnosno da je prilikom popunjavanja Izvještaja došlo do nenamjernog propusta.

B. B. je Odlukom o imenovanju šefa Odjeljenja za javnu bezbjednost broj 33-005507/20 (01.1-1413EK-001/20) od 31.12.2020. godine imenovan za šefa Odjeljenja za javnu bezbjednost Vlade Brčko distrikta Bosne i Hercegovine, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisan je u Registar javnih funkcija i nosilaca javnih funkcija.

Član 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj, za sebe i bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana, između ostalog propisano i da Izvještaj sadrži lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja, dok je tačkom b) istog člana propisano i da sadrži podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u BiH i inostranstvu.

Uvidom u Izvod iz matične knjige rođenih broj: 09/1-10-1-12000/2022 od 10.08.2022. godine za nosioca javne funkcije B. B. utvrđeno je da je V. B. otac nosioca javne funkcije, te je zbog toga obaveza nosioca javne funkcije unijeti podatke o imovini člana porodičnog domaćinstva-oca u Izvještaj o imovinskom stanju.

Primjenom navedenih zakonskih odredaba na utvrđeno činjenično stanje, ocjenjeno je da u konkretnom slučaju postoji povreda Zakona o sprečavanju sukoba interesa u institucijama Brčko distrikta Bosne i Hercegovine, s obzirom na to da B. B. nije u Izvještaju o imovinskom stanju podnesenom dana 25.01.2022. godine Komisiji za odlučivanje o sukobu interesa unio podatak o nepokretnoj imovini oca, odnosno člana porodičnog domaćinstva čime je postupio protivno članu 19. stavovi (1) i (2), te članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama navedenog Zakona.

Komisija je, shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju, a pri tome vodeći računa o težini i posljedicama povrede Zakona, te činjenici da je B. B., nosilac javne funkcije, predao Izvještaj o imovinskom stanju za 2022. godinu u kojem je upisao podatke o predmetnoj nepokretnoj imovini, te se prema njegovom postupanju i odgovornosti, ličnosti nosioca javne funkcije, odnosu imenovanog prema kršenju odredaba Zakona kao i opredijeljenosti imenovanog da postupi u skladu sa Zakonom, te otkloni razloge koji su doveli do kršenja odredaba Zakona kao i prouzrokovanoj posljedici radi o očito lakšem obliku kršenja odredaba Zakona, koje nisu nanijele štetu integritetu javne funkcije koju B. B. obavlja, Komisija je stava da izrečena opomena u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom Brčko distrikta Bosne i Hercegovine.

Predsjednik Komisije
za odlučivanje o sukobu interesa

Admira Mujić, dipl. pravnik

Dostavljeno:

1. B. B., [REDACTED], Brčko,
2. Internet stranici Komisije,
3. Evidenciji i
4. Arhivi.